

Гүүлгәнә кӧдлмш мана балгъснд

Советск олн-әмтнә бәәдл-
арслнъд, 1957 джилд болх-
ла — 2118 арслнъ мӧнъгнә
эд-тавр әмн болгъна тоод хул-
дгдв.

1958 джил Элст балгъснд
эд-тавр хулдлгъни зура 53
сай арслнъд диглгдлә, түүнәс
сентябрь сарин нег шин күртл
күцснъ 36,4 сай арслнъ, эс
гидж 69 процент. Энүгинъ ди-
гләд тоолхла, 1958 джилд,
Элст балгъснд әмн болгъна
тоод 2240 арслнъ мӧнъгнә эд-
тавр хулдгдхмн.

1957-1958 джилмүдт Элст
балгъсна, әмн болгъна тоод
промышленн эд-тавр болн хот-
хол хулдлгън ямаран икәр
ӧссинъ, күн болгънд кедү мӧ-
нъгнд эд-тавр хулдгдсннъ ним
тоогъас меддж болхмн:

	1956 джилд	1957 джилд	1958 джилд хулдгдх зӧвтәнн
Малин тосн			
Хоргън	4-20	45-00	54-00
Махн	13-90	33-00	106-60
Колбаса	2-90	12-30	31-00
Шикр	58-70	61-60	102-00
Кладь-балта	101-60	98-00	112-00
Торгън, шеемг болн кенчр эд-тавр	211-00	220-00	228-00
Бели хувци	211-00	220-00	228-00
Госн-башмг	75-00	95-00	165-00
	100-00	130-00	140-00

Элст балгъсн Хальмг респу-
бликин центр болдж тогтсн уч-
рар, балгъснд промышленн эд-
тавр болн хот-хоолин эдлвр
холван икдснъ, эн тоогъас ме-
дгдджәнә.

Урднъ болхла, мана балгъсн
района центр болдж тоолгддж
бәәсмн, тегәд чигн ӧмннъ эдү
чигә эд-тавр болн хот-хол кер-
гдгдг уга бәәсмн. Болв ӧдгә
цагт кедү икәр эд-тавр болн
хот-хол авч ирдж хулддг болв-
чн, балгъсна олн күч-кӧлсчнр-
нъ кергтә тоот эд-таврарнъ бо-
лн хот-хооларнъ горторгин
коллектив күццднъ теткдж ча-
ддяхмн уга.

Улгүрлхд, керосин, давсн,
ӧдмг, үсн, махн, темсн болн
н а н ь чигн кесг кергтә
т о о т х о т - х о о л а р
данъгин тату-тартгар тет-
кднә. Горторгин зәрм кӧдләч-
нр шамдгъа биш эв-дов уга
болсн учрар чигн, цуг эд-тавр-
иг болн хот-хоолиг Ставропо-
ляс, Пятигорскас, Аәдрхнәс
болн талдан райодас 100—500
километр газрт автомашидар
зӧӧдг болсн деерән, тер ацаг
тасрхан уга зӧӧгәд бәәдг ма-
шид уга болсн учрар, гүүлгәнә
кӧдлмшт ним кесг дуту-дунд
йовдлмуд гарад бәәнә.

Балгъсна олн-әмтиг кергтә

тоот эд-таврарнъ болн селәнә
эдл-ахун хот-хооларнъ күтцднъ
теткхин төлә, ӧдр болгън 35—
40 тонн аца зӧӧх кергтә.

Гүүлгәнә кӧдләчнрин ӧмн ик
даалгъврта төрмүд тәвгдджә-
нә, тедн бийстән даалгъсн кӧ-
длмшән цанъ уга сәәнәр медх
зӧвтә, гүүлгәнә кӧдлмш бүрд-
әлгънд бәәх ӧдгә цагин техни-
киг сәәнәр дасдж авч, сән тоо-
тинъ эврәннъ кӧдлмштән олз-
лдж, олн-әмтнә неквринъ ме-
ддж, теднд килмджән ӧгчәх
зӧвтә.

Гүүлгәнә культуриг ӧдлүл-
хин кергт ик онъган ӧгхмн.
КПСС-н XXI - ч хургиг уктдж,
гүүлгәнә кӧдләчнр дунд социа-
листическ дӧрдлә ӧргәр делгр-
үлдж, балгъсна цуг гүүлгәнә
кӧдлмшиг ӧдлүлхар зүткхмн.

Хальмг танъгъчиг Хальмг
АССР-т хүврәсн учрар, партъ
болн правительств зӧвәр ик
тоота промышленн эд-тавр бо-
лн хот-хол немдж ӧгчәнә, тед-
нә тоод, шикр — 100 тонн, кам-
падь - балта — 100 тонн, ма-
лин тосн-хоргън — 30 тонн, ур-
гъмл тосн—50 тонн, нанъ чигн
кесг промышленн эд-тавр.

Эн ирх зӧвтә эд-тавриг болн
хот-хоолиг цагланъ зӧӧдж авч
олн-әмтнд хулдлгън — гүүлгә-
нә кӧдләчнрин эрки төрнъ.

КПСС-н балгъсна комитет
болн балгъсна күцәгч комитет,
аца зӧӧх машидар болн бензо-
возмудар дӧнъ болдж, мага-
зид, склад бәәх гермүд, хот
уудг гермүд, болн кафе тосх-
кднъ, балгъсна гүүлгәнә орга-
низацет дӧнъгән күргх зӧвтә.
Тер цагт балгъсна олн-әмтиг
хамг кергтә тоот эд-таврарнъ
болн хот-хооларнъ күтцднъ те-
ткдж чадхмдн лавта.

У. БЮТЦИНОВ.

Элстин горторгин директор.